

# **„LAMIS“ doo**

**za reviziju, računovodstvo , promet i usluge  
21 Srebreničke brigade bb. Srebrenik**

M.B. : 32-01-0206-15

I.D.B : 4210206480008

PDV : 210206480008

Tel/fax : 035 644-733

Mob : 061 733-449

061 734-130

E – mail : [ijakub@hotmail.com](mailto:ijakub@hotmail.com)  
[doolamis@gmail.com](mailto:doolamis@gmail.com)

## ***IZVJEŠTAJ O TRANSPARENTNOSTI ZA 2025. „LAMIS“ D.O.O SREBRENİK***

Srebrenik, 20.04.2026 god.



## Sadržaj

|                                                                                                    |   |
|----------------------------------------------------------------------------------------------------|---|
| 1. Uvod .....                                                                                      | 2 |
| 2. Pravna struktura, vlasništvo i organizacija .....                                               | 2 |
| 3. Upravljačka struktura .....                                                                     | 2 |
| 4. Sistem interne kontrole.....                                                                    | 2 |
| 4.1 Odgovornost Uprave za kvalitetu rada .....                                                     | 3 |
| 4.2 Etički zahtjevi .....                                                                          | 3 |
| 4.3 Ljudski potencijali .....                                                                      | 4 |
| 4.4. Obavljanje angažmana.....                                                                     | 4 |
| 5. Popis subjekata od javnog interesa .....                                                        | 4 |
| 6. Izjava o vezi usavršavanja revizora .....                                                       | 5 |
| 7. Finansijske informacije Lamis d.o.o. za godinu koja je završila 31. decembra 2025. godine ..... | 5 |
| 8. Naknade za ovlaštene revizore .....                                                             | 5 |

## 1. Uvod

U skladu sa članom 82. Zakona o računovodstvu i reviziji FBiH (Sl. novine FBiH 15/21) društva za reviziju su dužna objaviti svoj godišnji izvještaj o transparentnosti.

Ovaj izvještaj je objavljen u skladu s odredbama člana 24 a) Zakona o računovodstvu i reviziji i člana 40. 43. Direktive Europske Unije o zakonskoj reviziji godišnjih finansijskih izvještaja i konsolidiranih izvještaja (direktiva o reviziji).

## 2. Pravna struktura, vlasništvo i organizacija

LAMIS d.o.o. za reviziju, računovodstvo i promet je društvo sa ograničenom odgovornošću sa sjedištem u Srebreniku ul 21. Srebreničke brigade bb, kojeg zastupa Ibrahimović Subhija - direktor društva. Društvo je osnovano 2015. godine i upisano je u sudski registar kod Općinskog suda u Tuzli broj: 032-0-Reg-15-001619 od 21.10.2015 godine. Društvo je u 100% vlasništvu fizičkog lica Ibrahimović Jakub. Društvo za reviziju, računovodstvo i promet LAMIS d.o.o. Srebrenik je upisano u registar društava za obavljanje revizije pri Ministarstvu finansija FBiH i dobija licencu od Ministarstva finansija FBiH za obavljanje poslova revizije broj 9030016167.

U skladu sa važećom zakonskom regulativom za obavljanje revizije Društvo ima 6 (šest) uposlenih radnika, od čega su dva ovlaštena revizora, dva certificirana računovođe i 2 asistenta. Ovlašteni revizori društva su :

- Zoran Varivoda dipl oec. Ovlašteni revizor
- Jakub Ibrahimović dip.oec. Ovlašteni revizor

Lamis d.o.o. ima propisanu metodologiju i procedure, baze znanja, pristup visoko specijaliziranim znanjima u oblasti revizije, poreskog savjetovanja i konsultantskih usluga.

Društvo nema registrovanih poslovnih jedinica.

## 3. Upravljačka struktura

Upravljačka struktura u Lamis d.o.o je regulisana u skladu sa postojećim Zakonom o privrednim društvima i zakonom o računovodstvu i reviziji BiH. Društvo ima Statut kojim su regulisana prava i obaveze upravljanja unutar društva. Sveobuhvatne informacije o članovima uprave su dostupni u javnom registru preduzeća u Bosni i Hercegovini. Direktor društva je odgovoran za postavljanje općih poslovnih ciljeva i osiguranje usklađenosti s politikama usvojenim od strane Lamis d.o.o, kao i održavanje vrijednosti, standarda i procesa društva.

## 4. Sistem interne kontrole

Naše društvo je usvojilo sistem interne kontrole koji se obezbjeđuje kroz usvojene procedure i metodologiju sprovođenja revizije. Društvo je usvojilo politike kontrole kvaliteta koje su

u potpunosti u skladu sa zahtjevima Međunarodne federacije računovođa (IFAC), osim standarda koje zahtijeva IFAC svoje poslovanje smo uskladili i po pravilima Revizorske komore FBiH.

Upravljanje rizikom i kontrola kvalitete su odgovornost svakog člana uprave i zaposlenika društva. Naše politike odražavaju pojedine elemente kontrole kvaliteta kako bi članovi i zaposlenici djelovali s integritetom i bili objektivni, temeljito obavljali svoj posao a sve u skladu sa važećim zakonima, propisima i profesionalnim standardima.

Međunarodni standard kontrole kvalitete 1, kojeg je izdao IFAC primjenjuje se i na naše revizorsko društvo. Ovaj standard utvrđuje potrebne elemente sistema kontrole kvaliteta društva. Sistem kontrole kvaliteta društva obuhvaća sljedeće elemente:

1. Odgovornost uprave za kvalitetu rada
2. Visoke etičke standarde
3. Kvalitetno upravljanje ljudskim resursima
4. Obavljanje angažmana
5. Procesi koji osiguravaju učinkovito izvršenje posla
6. Nadzorne aktivnosti

#### 4.1 Odgovornost Uprave za kvalitetu rada


U skladu sa načelima kontrole kvalitete članovi Uprave su preuzeli krajnju odgovornost za sistem kontrole kvalitete našeg društva. Uprava se zalaže i poduzima sve radnje koje su potrebne da se osigura da Lamis d.o.o predstavlja kvalitetu, nezavisnost, objektivnost i etičko ponašanje. Poduzimaju se aktivnosti kroz komunikaciju sa svim zaposlenicima kao i uputstva zaposlenim o novim standardima i povezanim smjernicama koje služe kao pomoć u pružanju visoko kvalitetne usluge našim klijentima, sve ove radnje uprave su usmjerene u naglašavanje aspekta važnosti održavanja standarda kvalitete.

#### 4.2 Etički zahtjevi

Lamis d.o.o je uspostavio proces koji informira zaposlenike o procedurama i politikama vezanim za etičnost i neovisnost. Lamis d.o.o. zahtijeva da se zaposlenici pridržavaju pravila etičnosti i neovisnosti koja zadovoljavaju standarde objavljene od strane revizorske komore FBiH, IFAC i svih ostalih zakonodavnih tijela. Uspjeh društva ovisi o profesionalnosti i strogo se trudimo da poštujemo sve propise i etičke standarde u skladu sa relevantnim revizorskim standardima. Navedeni standardi zahtijevaju da postupamo objektivno, kompetentno, s dužnom pažnjom da poštujemo povjerljivost i da se ponašamo profesionalno. Naši etički standardi u potpunosti udovoljavaju etičkom kodeksu IFAC-a u svrhu zaštite i povjerljivosti podataka naših klijenata.

Društvo i njegovi zaposlenici su dužni biti u skladu sa svim važećim pravilima neovisnosti i etičkim standardima. Društvo prati usklađenost s regulatornim i stručnim zahtjevima kao i zahtjevima za neovisnost našeg društva. Društvo određuje posebne politike koje zahtijevaju od zaposlenika da :

- Budu u skladu sa svim relevantnim zakonima i propisima.

- 
- Obavijeste o svim nezakonitim radnjama, počinjenim na bilo koji način.
  - Obavijeste o kršenju politika upravljanja rizikom od strane zaposlenika.
  - Ne nude, obećavaju, daju ili prihvaćaju mito (bilo direktno ili preko posrednika)

#### 4.3 Ljudski potencijali

Prema politici društva zaposlenici su dužni održavati stručna znanja te biti u skladu sa profesionalnim zahtjevima kao i mjerodavnim regulativnim zahtjevima. Zaposlenicima društvo pruža edukaciju koji su specijalizirani u području revizije. To uključuje i klasičnu edukaciju i edukaciju temeljenu na novim tehnologijama koja je usmjerena na pružanje visokokvalitetnih i tehničkih prilagođenih materijala za tekući razvoj zaposlenika u području revizije. Područja koja su pokrivena edukacijom uključuju temeljne kompetencije u računovodstvu, reviziji i profesionalnim etičkim standardima. Ovlašteni revizor u potpunosti su uključeni u kontinuirani program obrazovanja kroz seminare koji su obavezni za sticanje uslova za obavljanje revizije. Društvo nastoji da kontinuirano obučava i edukuje zaposlenike.

#### 4.4. Obavljanje angažmana

Osnov pružanja usluga Lamis d.o.o su kontrole kvalitete koje su ugrađene u standardni proces provođenja projekata. Kontrole kvalitete uključuju politike i smjernice koje omogućavaju da rad projektni timova bude u skladu sa profesionalnim standardima, zakonskim i regulatornim zahtjevima. Ovlašteni revizor je zadužen za funkcije: upravljanje rizicima, računovodstveno-tehničke usluge, usluge tržišta kapitala, revizijske politike i kvalitet revizije. Ključna odgovornost revizora zaduženog za upravljanje rizicima je da budu sastavni dio postupka prihvaćanja i zadržavanja klijenata, odgovoran je za procjenu rizika na kvalitativnoj i kvantitativnoj osnovi. Zaduženi za upravljanje rizicima moraju gdje je potrebno, biti aktivno uključeni u projektne timove u svrhu konsultacija o pitanjima i prosudbama, kao što su razmatranja o nastavku poslovanja. Od Ovlaštenih revizora koji su određeni za neki projekat se traži adekvatno vođenje projekta od stadija planiranja i pregledavanja dokumentacije, pregledavanje rezultata do završetka revizije. Društvo vrši redovni monitoring revizijskih izvještaja.

#### 5. Popis subjekata od javnog interesa

Društvo Lamis d.o.o je revidiralo u 2025 godini sljedeće klijente koji su društva od javnog interesa i zakonski obveznici revizije i to:

1. JZU „Dom Zdravlja Orašje“ Orašje
2. JZU „Dom Zdravlja Srebrenik“ Srebrenik
3. Zavod za javno zdravstvo Županije Posavske Orašje
4. JP „9 Septembar“ d.d Srebrenik
5. JP „Vodovod i Kanalizacija“ d.d. Srebrenik
6. Turistička zajednica grada Srebrenik
7. Turistička Zajednica Tuzlanskog kantona Tuzla

## 6. Izjava o vezi usavršavanja revizora

Kontinuirano obrazovanje i usavršavanje zaposlenika podrazumijeva prisustvo na savjetovanjima koje organizuje Revizorska komora FBiH, seminarima odgovarajućih konzultantskih društava u BiH, te samo edukacijom kroz stručnu literaturu s područja računovodstva i poreza, etičkih kodeksa ponašanja, održavanjem radionica sa zaposlenicima ili neposrednim pristupom literaturi na Internetu kao i relevantnih stranica državnih tijela.

## 7. Finansijske informacije Lamis d.o.o. za godinu koja je završila 31. decembra 2025. godine

Sljedeći finansijski podaci izdvojeni su iz finansijskih izvještaja Lamis d.o.o. za godinu koja je završila 31. decembra 2025 u iznosu od 373.271 KM sa slijedećom strukturom:

| PRIHOD                 | 2025       |
|------------------------|------------|
| Usluge revizije        | 122.599 KM |
| Računovodstvene usluge | 222.816 KM |
| Ostali prihodi         | 27.856 KM  |
| UKUPNO                 | 373.271 KM |

## 8. Naknade za ovlaštene revizore

Naknade ovlaštenim revizorima koji potpisuju izvještaje ovlaštenog revizora o obavljenim revizijama od javnog interesa definisane su ugovorom o radu sa utvrđenim mjesečnim plaćama dok je jednom revizoru koji je vlasnik društva za reviziju vršena isplata i iz ostvarene dobiti .

  
Direktor  
Ibrahimović Subhija